

Headline	Serah hasil sumbangan		
MediaTitle	Sinar Harian		
Date	22 Mar 2019	Color	Full Color
Section	Nasional	Circulation	160,000
Page No	6	Readership	509,000
Language	Malay	ArticleSize	313 cm ²
Journalist	N/A	AdValue	RM 5,339
Frequency	Daily	PR Value	RM 16,017



Serah hasil sumbangan

Hampir RM93,000 kutipan tabung #Sinar4NZMartyrs diagihkan kepada mangsa, masjid

SEPANG

Sejumlah hampir RM93,000 hasil sumbangan daripada tabung khas #Sinar4NZMartyrs yang diwujudkan *Sinar Harian* diserahkan kepada Menteri di Jabatan Perdana Menteri, Datuk Seri Dr Mujahid Yusof yang berangkat ke New Zealand, semalam.

Hasil sumbangan rakyat Malaysia itu akan diagihkan untuk masjid dan tiga keluarga rakyat Malaysia terlibat dalam insiden tembakan rambang di dua Masjid di Christchurch, Jumaat lalu.

Sumbangan diserahkan Timbalan Pengerusi Karangkraf, Datuk Muhammad Nasir Hamzah kepada Mujahid sebelum men-



Mujahid (kiri) menerima sumbangan daripada Muhammad Nasir di KLIA semalam untuk disampaikan kepada masjid dan keluarga mangsa yang terlibat.

teri itu berangkat ke New Zealand bagi mewakili Kerajaan Malaysia.

Mujahid berkata, beliau diminta mewakili kerajaan secara rasmi ke negara itu untuk mene-mui keluarga mangsa selain bertemu Kerajaan New Zealand untuk mengucapkan takziah atas tragedi yang berlaku.

"Pemergian saya ke New Zealand ini juga untuk menziarahi keluarga serta menguruskan perkara melibatkan rakyat Malaysia di sana," katanya pada sidang media di KLIA sebelum berlepas ke New Zealand, semalam.

Pada masa sama, beliau juga mengucapkan penghargaan ke-

pada semua pihak yang terlibat memberikan sumbangan kepada keluarga mangsa termasuk *Sinar Karangkraf*, Jabatan Agama Islam Wilayah Persekutuan (Jawi), Yayan-san Taqwa, Bank Islam dan Tabung Haji (TH) yang menjadikan jumlah sumbangan yang akan diagihkan berjumlah RM174,000.

Sementara itu, Muhammad Nasir berkata, hasil sumbangan itu merupakan lambang keikhlasan rakyat Malaysia yang turut bersympati atas tragedi berlaku.

Menurutnya, kutipan melalui tabung tersebut akan diteruskan sekurang-kurangnya selama sebuah bulan lagi.

"Saya mengajak rakyat Malaysia untuk terus menyumbang kepada tabung ini. Setiap sen disumbangkan akan diagihkan kepada penerima tanpa mengambil kira kos diperlukan," ujarnya.

Sementara itu, jumlah kutipan Tabung #Sinar4NZMartyrs terus meningkat apabila setakat jam 7 petang semalam sudah mencapai RM98,043.94.